

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՇԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«01» «04» 2022 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Պետական մարմին)՝ ի դեմս նախարարության կանոնադրության հիման վրա գործող գլխավոր քարտուղար Գ. Սաֆարյանի, մի կողմից, և «Արար» հայ ազգային արվեստի պահպանման կենտրոն հասարակական կազմակերպությանը (այսուհետ՝ Կատարող)՝ ի դեմս կազմակերպության կանոնադրության հիման վրա գործող նախագահ Ա. Գրիգորյանի, մյուս կողմից, (այսուհետ՝ միասին՝ Կողմեր), կնքեցին սույն պայմանագիրը (այսուհետ՝ Պայմանագիր) հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1. Պետական մարմինը հանձնարարում է, իսկ Կատարողը ստանձնում է Պետական մարմնի կողմից հատկացված միջոցներն ուղղել 2022 թվականին «Արար. ազգային մշակույթի պահպանումը, տարածումը, զարգացումն ու հանրահռչակումը Հայաստանի Հանրապետության մարզերում» ծրագրի իրականացման հետ կապված ծախսերի ապահովմանը՝ համաձայն Պայմանագրի անբաժանելի մաս կազմող ծրագրի (Հավելված N 1) և ծախսերի նախահաշվի (Հավելված N 2):

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1 Պեղական մարմինը պարտավոր է՝**

2.1.1. Ի կատարումն ՀՀ կրթության, գիտության, մշակույթի և սպորտի նախարարի 2022 թվականի հունիս 30-ի N 1220-Ա/2 հրամանի՝ հիմք ընդունելով ՀՀ կրթության, գիտության, մշակույթի և սպորտի նախարարության կողմից ֆինանսավորվող մշակութային դրամաշնորհային ծրագրերի «Ոչ նյութական մշակութային ժառանգության պահպանության ծրագիր» անվանակարգի մասնագիտական խմբի 2022 թվականի հունիսի 13-ի նիստի N 3 արձանագրությունը՝ Կատարողին հատկացնել գումար «Հայաստանի Հանրապետության 2022 թվականի պետական բյուջեի մասին» օրենքի «1075. Մշակութային ժառանգության ծրագիր» «11005. Աջակցություն ոչ նյութական մշակութային ժառանգության պահպանմանը» միջոցառման ՀՀ կրթության, գիտության, մշակույթի և սպորտի նախարարությանը նախատեսված անհատույց դրամաշնորհների հաշվին,

2.1.2. Պայմանագրի 6.1-ին կետով սահմանված ժամկետում ընդունել Կատարողի կողմից Պայմանագրի 2.3.3-րդ ենթակետով սահմանված կարգով ներկայացված հաշվետվությունները, ընդունելուց հետո ստորագրել հանձնման ընդունման արձանագրությունը:

**2.2. Պեղական մարմինն իրավունք ունի՝**

2.2.1. Ցանկացած ժամանակ (պարբերաբար), առանց որևէ սահմանափակումների, ստուգել Կատարողի կողմից Պայմանագրի կատարման ընթացքը՝ չմիջամտելով վերջինիս գործունեությանը,

2.2.2. Կատարողի կողմից Պայմանագրի 2.3-րդ կետով նախատեսված պարտավորությունները չկատարելու դեպքում հետ պահանջել փոխանցված գումարը, միակողմանի լուծել Պայմանագիրը՝ դադարեցնելով պայմանագրով իր վրա դրված պարտավորությունների կատարումը,

2.2.3. Կատարողից պահանջել առանց լրացուցիչ վճարի վերստին կատարել ոչ պատշաճ ձևով կամ կարգով կատարված աշխատանքները,

2.2.4. Պայմանագրի 6.1-ին կետով սահմանված ժամկետում Կատարողից պահանջել ներկայացնել Պայմանագրի 2.3.3-րդ ենթակետով նախատեսված հաշվետվությունը:

### **2.3. Կատարողը պարտավոր է՝**

2.3.1. Պայմանագրից բխող աշխատանքներն իրականացնել՝ ապահովելով Պայմանագրի անբաժանելի մաս կազմող նախահաշվի, ինչպես նաև Պայմանագրի այլ պարտադիր պահանջները,

2.3.2. Պետական մարմնի պահանջով նրան հաղորդել տեղեկատվություն աշխատանքների կատարման ընթացքի մասին,

2.3.3. Մինչև Պայմանագրի 6.1-ին կետով սահմանված հաշվետվությունների ներկայացման ժամկետի ավարտը Պետական մարմնին ներկայացնել հաշվետվություն (ֆինանսական և բովանդակային) իր կողմից իրականացված ծախսերի և կատարված միջոցառումների մասին: Ֆինանսական հաշվետվությունը պարունակում է Պետական մարմնի կողմից հաստատված ձևանմուշով լրացված ձևը (նախահաշվի ծախսերը հիմնավորող հաշվապահական և այլ փաստաթղթերը գտնվում են Կատարողի մոտ, վերջինս պատասխանատվություն է կրում հաշվետվությամբ ներկայացված տվյալների հավաստիության համար), իսկ բովանդակայինը՝ ամբողջական տեղեկատվություն միջոցառման իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.3.4. Պայմանագրից բխող աշխատանքները չկատարելու դեպքում վերադարձնել Պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5.0 (հինգ) տոկոսի չափով,

2.3.5. Հրապարակել Պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.3.6. Ձեռնարկել իր կողմից հնարավոր բոլոր միջոցները՝ Պայմանագրի կատարման համար առաջացած խոչընդոտները վերացնելու նպատակով,

**2.3.7. Սույն Պայմանագրի 1.1-ին կետով նախատեսված աշխատանքների կատարման գործընթացը կազմակերպել «Գնումների մասին» ՀՀ օրենսդրությամբ սահմանված կարգով,**

2.3.8. Պայմանագրով սահմանված աշխատանքների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան մինչև 2022 թվականի դեկտեմբերի 23-ը:

### **2.4. Կատարողն իրավունք ունի՝**

2.4.1. Պետական մարմնի կողմից Պայմանագրի 2.1.1-ին ենթակետով նախատեսված պարտավորությունները չկատարելու դեպքում միակողմանի լուծել Պայմանագիրը՝ դադարեցնելով Պայմանագրով իր վրա դրված պարտավորությունների կատարումը,

2.4.2. Անհրաժեշտության դեպքում Պայմանագրի անբաժանելի մաս կազմող նախահաշվով նախատեսված ծախսային ուղղություններում իրականացնել յուրաքանչյուր ծախսային ուղղության գումարի 10 տոկոսի չափով շեղում՝ չխախտելով վճարումների համար սահմանված նորմերը:

### 3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Պայմանագրի 1.1-ին կետում նշված աշխատանքների իրականացման համար Պետական մարմինը Կատարողին հատկացնում է 2496.3 հազար (երկու միլիոն չորս հարյուր իննսունվեց հազար երեք հարյուր) դրամ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի.

3.2. Պայմանագրի 3.1-ին կետում սահմանված գումարի 80 %-ը Կատարողին հատկացվում է Պայմանագրի կնքումից հետո, իսկ 20 %-ը՝ Պայմանագրի 4.1-ին կետով նախատեսված հանձնման-ընդունման արձանագրությունը ստորագրելուց հետո՝ Կատարողի հաշվեհամարին փոխանցելու միջոցով:

3.3. Համաձայն «ՀՀ 2022 թվականի պետական բյուջեի մասին» օրենքի 7-րդ հոդվածի 22-րդ կետի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2022 թվականի ընթացքում ենթակա են վերադարձման ՀՀ պետական բյուջե:

### 4. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

4.1. Պայմանագրի 1.1-ին կետում նշված և ամբողջությամբ կատարված աշխատանքները Կատարողի կողմից ներկայացվում են Պետական մարմնի ընդունմանը ոչ ուշ, քան Պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն:

### 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ ԵՎ ՊԱՅՄԱՆԱԳԻՐԸ ԴԱԴԱՐԵՑՆԵԼՈՒ ԿԱՐԳԸ

5.1. Պայմանագրով նախատեսված պարտավորությունները Կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ Պայմանագրի կատարման համար խոչընդոտներ ստեղծելու, մյուս կողմին վնաս պատճառելու համար կողմերից յուրաքանչյուրը պատասխանատվություն է կրում մյուս կողմին պատճառած վնասների լրիվ ծավալով՝ օրենքով սահմանված կարգով.

5.2. Պայմանագիրը կարող է վաղաժամկետ լուծվել Կողմերից որևէ մեկի նախաձեռնությամբ՝ մյուս կողմի՝ Պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների լրիվ չափով փոխհատուցում,

5.3. Պայմանագիրը վաղաժամկետ դադարեցնելը կամ լուծելը Կատարողի կողմից այն կատարել շարունակելն աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում Պետական մարմինը իրավունք ունի կամ ստանալ Պայմանագրի 3.1-ին կետով նախատեսված գումարի լրիվ փոխհատուցումը, կամ պահանջել Պայմանագրի հարկադիր կատարումը,

5.4. Պայմանագրի 1.1-ին կետով նախատեսված աշխատանքների համար պայմանագրով սահմանված ժամկետները Կատարողի կողմից չպահպանելու դեպքում վերջինս Պետական մարմինն վճարում է տույժ՝ հանձնման ենթակա, սակայն չհանձնված աշխատանքների արժեքի 0.05 (հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար,

5.5. Պայմանագրով նախատեսված հաշվետվությունների ներկայացման համար նախատեսված ժամկետները չպահպանելու դեպքում Կատարողը Պետական մարմինն վճարում է տույժ՝ պայմանագրի գնի 0.05 (հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

## **6. ՊԱՅՄԱՆԱԳՐՈՎ ՆԱԽԱՏԵՍՎԱԾ ԱՇԽԱՏԱՆՔԻ ԿԱՏԱՐՄԱՆ, ՀԱՇՎԵՏՎՈՒԹՅՈՒՆՆԵՐԻ ՆԵՐԿԱՅԱՑՄԱՆ ԺԱՄԿԵՏԸ**

6.1. Պայմանագրով նախատեսված աշխատանքի կատարման ժամկետը մինչև 2022 թվականի դեկտեմբերի 1-ն է, իսկ հաշվետվությունների ներկայացման ժամկետը մինչև 2022 թվականի դեկտեմբերի 6-ը:

## **7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)**

7.1. Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով պարտավորությունների կատարումը: Եթե անհաղթահարելի ուժի ազդեցությունը շարունակվում է երեք ամսից ավելի, ապա Կողմերից յուրաքանչյուրը իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## **8. ՎԵՃԵՐԻ ԼՈՒԾՄԱՆ ԿԱՐԳԸ**

8.1. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերը լուծվում են օրենքով սահմանված կարգով:

## **9. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ**

9.1. Պայմանագիրը ուժի մեջ է մտնում Կողմերի ստորագրման պահից և գործում է մինչև Կողմերի պարտավորությունների ողջ ծավալով կատարման ավարտը:

## **10. ՄՈՆԻԹՈՐԻՆԳԸ**

10.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ,

10.2. Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից,

10.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կատարողին տրվում են ցուցումներ, և կատարվում են առաջարկություններ,

10.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր,

10.5. Մոնիթորինգի իրականացման ընթացքում Կատարողից կարող են պահանջվել գրավոր ու բանավոր պարզաբանումներ և բացատրություններ:

## 11. ԱՅԼ ՊԱՅՄԱՆՆԵՐ

11.1. Պայմանագիրը կազմված է 8 թերթից, կնքվում է 2 օրինակից, որոնք ունեն հավասարազոր իրավաբանական ուժ,

11.2. Սույն պայմանագրում լրացումներ ու փոփոխություններ կատարելու վերաբերյալ համաձայնությունները կազմվում են գրավոր և հաստատվում են Կողմերի ստորագրությամբ:

## 12. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ

### ՊԵՏԱԿԱՆ ՄԱՐՄԻՆ՝

«ՀՀ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2

«ՀՀ ՖՆ գործառնական վարչություն  
Հ/Կ 900011032415  
ՀՎՀՀ 02698732

Գլխավոր քարտուղար՝



Գ. Սաֆարյան

Կ. Տ.

### ԿԱՏԱՐՈՂ՝

«ԱՐԱՐ» հայ ազգային արվեստի պահպանման  
կենտրոն ՀԿ  
ք. Երևան, Ծարավ աղբյուրի փ., շենք 55/6 բն.56

Արարատ բանկ ԲԲԸ  
Հ/Կ 1510052878350100  
ՀՎՀՀ 01024022  
Հեռ.՝ 093012331

Նախագահ՝



Ա. Գրիգորյան

Կ. Տ.

## ԾՐԱԳԻՐ

«Արար. ազգային մշակույթի պահպանումը, տարածումը, զարգացումն ու հանրահոշակումը Հայաստանի Հանրապետության մարզերում»

	Կազմակերպության անվանումը	«ԱՐԱՐ» հայ ազգային արվեստի պահպանման կենտրոն ՀԿ
2.	Կազմակերպության գտնվելու վայրը	Ավան, Ծարավ Աղբյուր Փ./Շ/ 55/6 բն. 56
3.	Ծրագրի անվանումը	«Արար. ազգային մշակույթի պահպանումը, տարածումը, զարգացումն ու հանրահոշակումը Հայաստանի Հանրապետության մարզերում»
3.1	Բովանդակությունը	Ծրագիրը հիմնականում ուղղված է ՀՀ համայնքներում մշակութային կյանքի աշխուժացմանը ոչ նյութական մշակութային ժառանգության պահպանության, փոխանցման ու տարածման միջոցով դրա ճանաչելիության բարձրացմանն ու կենսունակության ապահովմանը: Տեղաբնակ ժողովրդական ստեղծագործողները համայնքներում իրենց գիտելիքներն ու փորձառությունն են փոխանցում տարբեր տարիքի շահառուներին՝ ուսուցանելով արհեստների և ազգային մշակույթի տարբեր ձևեր, որի արդյունքում սովորողները նոր հմտություններ են ձեռք բերում, որպես իրենց հոգևոր հարստացման և սոցիալ-տնտեսական բարելավման միջոց:
3.2	Նպատակ	Ծրագրի նպատակն է ՀՀ համայնքներում ոչ նյութական մշակութային ժառանգության պահպանության, փոխանցման, զարգացման և հանրահոշակման ապահովումը:
3.3	Անցկացման ժամկետ	2022 թ. հուլիսի 1-ից նոյեմբերի 30-ը
3.4	Անցկացման վայր	Սյունիքի (Տեղ, Տաթև), Տավուշի (Նոյեմբերյան, Այրում, Արճիս, Ջորական, Բագրատաշեն, Բերդավան, Բաղանիս, Դովեղ, Ջուջևան, Լճկաձոր, Պտղավան, Ոսկեվան, Կողբ, Կոթի, Հաղթանակ), Լոռու (Դսեղ), Արագածոտնի (Արտենի, Ուջան), Գեղարքունիքի (Դպրաբակ), Արարատի (Դիտակ, Ջրաշեն, Ջրահովիտ, Ջանգակատուն), Արմավիրի (Բաղրամյան, Հացիկ, Մյասնիկյան, Խանջյան, Առատաշեն, Նորապատ), Կոտայքի (Աբովյան, Հացավան, Գեղաղիր, Ողջաբերդ, Ջառ, Ջրվեժ) մարզերի համայնքներ:
3.5	Ակնկալվող արդյունքներ	Ծրագրի արդյունքում շահառուները ձեռք կբերեն գորգագործության, կարպետագործության, ասեղնագործության, նկարչության,

		մանրանկարչության, խեցեգործության, փայտի, փորագրության, խաչքարագործության, ավանդական երգ ու պարի գիտելիքներ և հմտություններ, կմասնակցեն ցուցահանդեսների, փառատոների, մրցույթների և տարբեր միջոցառումների:
3.6	Ոչ ֆինանսական ցուցանիշներ	«Արար. ազգային մշակույթի պահպանումը, տարածումը, զարգացումն ու հանրահոշակումը Հայաստանի Հանրապետության մարզերում» ծրագրի շրջանակում ՀՀ 8 մարզերի 37 համայնքների 24 «Արար» կենտրոններում կդասավանդեն 18 տեղաբնակ մասնագետներ, ներգրավված կլինեն 700-ից ավել աշակերտ:

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2  
ՀՀ ՖՆ գործառնական վարչություն  
Հ/Հ 900011032415  
ՀՎՀՀ 02698732

Գլխավոր քարտուղար՝



Գ. Սաֆարյան

**ԿԱՏԱՐՈՂ՝**

«ԱՐԱՐ» հայ ազգային արվեստի պահպանման  
կենտրոն ՀԿ  
ք. Երևան, Ծարավ աղբյուրի փ., շենք 55/6, բն.56  
Արարատ բանկ ԲԲԸ  
Հ/Հ 1510052878350100  
ՀՎՀՀ 01024022  
Հեռ.՝ 093012331

Նախագահ՝



Ա. Բրիգորյան

**Ն Ա Ն Ա Ա Հ Ա Շ Ի Վ**

«Արար. ազգային մշակույթի պահպանումը, տարածումը, զարգացումն ու հանրահռչակումը Հայաստանի Հանրապետության մարզերում» ծրագրի իրականացման

N	Ծախսատեսակների անվանումը	Չափման միավորը	Քանակը	Միավորի գինը (դրամ)	Գումարը (հազար դրամ)	
1	<b>Նյութածախսեր, այդ թվում՝</b>				1934.3	
	վատման (10 տուփ), գոաշ (50 տուփ), գոաշ սպիտակ (15 հատ), ջրաներկ (30 տուփ), յուղամատիտ (10 տուփ), վրձին (20 տուփ), մատիտ (40 հատ), ռետին (հատ 50) թղթե սկոչ (հատ 10), կավ (8 հատ), կավի ցեարակ (5 հատ) ակրիլային ներկ՝ նախատեսված կավի համար (հատ 5), շրջանակ (կարպետ գործելու համար, հատ 30), հենքի թել (12 կգ), միջնաթել (8 կգ), գործելու թել (80 կգ), կոտուխ (3 հատ), մկրատ (3 հատ), դանակ (20 հատ), սանր (3 հատ), կարպետի ասեղ (30 հատ), թել /DMC/ (500 հատ), ասեղ (10 տուփ), կանվա (10 մետր), թել իրիս (15 հատ), կտոր (35 մետր), պասապարտու և շրջանակ (25 հատ), փայտ (8 հատ), քարե սալիկ (հատ 5)				1934.3	
2	<b>Տրանսպորտային ծառայությունների ձեռք բերում, այդ թվում՝</b>				146.0	
	ավտոբուսի վարձակալություն մարզաբնակ էրեխաներին տեղափոխելու նպատակով (Չանգակատուն - Երևան - Չանգակատուն)		երթ	1	56000	56.0
	ավտոբուսի վարձակալություն մարզաբնակ էրեխաներին տեղափոխելու նպատակով (Գորիս - Երևան - Գորիս)		երթ	1	90000	90.0
	<b>ԸՆԴԱՄԵՆԸ</b>				<b>2080.3</b>	
	<b>ԱԱՀ՝</b>				<b>416.0</b>	
	<b>ԸՆԴԱՄԵՆԸ՝ ներառյալ ԱԱՀ</b>				<b>2496.3</b>	

**ՊԵՏԱԿԱՆ ՄԱՐՄԻՆ՝**  
 ՀՀ կրթության, գիտության, մշակույթի  
 և սպորտի նախարարություն  
 Երևան, 4. Սարգսյան 3  
 Կառավարական տուն N 2  
 ՀՀ ՖՆ գործառնական վարչություն  
 Հ/Հ 900011032415  
 Հ/Հ 02698732  
 Գլխավոր տնօրոգար՝  
 Մ. Մախարյան  
 4. Ս.



**ԿԱՏԱՐՈՂ՝**  
 «ԱՐԱՐ» հայ ազգային արվեստի պահպանման  
 կենտրոն ՀԿ  
 ք. Երևան, Ծարավ աղբյուրի փ., շենք 55/6 քն.56  
 Արարատ բանկ  
 Հ/Հ 15100528/8350100  
 Հ/Հ 01024022  
 Հ/Հ 093012331  
 Գլխավոր տնօրոգար՝  
 Մ. Որիգորյան

